

Հաշվեքննության օբյեկտների ղեկավարների պատրասխան

Տեսչական մարմին՝

Տեսչական մարմնի կողմից այս կետի վերաբերյալ առարկություններ չեն ներկայացվել:

ՀՀ առողջապահության նախարարություն՝

ՀՀ ԱՆ-ի կողմից այս կետի վերաբերյալ ներկայացված դիրքորոշումներն էական առումներով որևէ հիմնավոր պարզաբանումներ չեն պարունակել, կրել են հիմնականում բացատրական բնույթ և հաշվեքննության խմբի կողմից չեն ընդունվել:

VI.ՏԵՍԶԱԿԱՆ ՄԱՐՄՆԻ ՎԵՐԱՀՍԿՈՂՈՒԹՅՈՒՆԻՑ ԴՈՒՐՍ ՄՆԱՅԱԾ ԱՇԽԱՏԱՆՔԱՅԻՆ ԻՐԱՎԱՀԱՐԱՐԵՐՈՒԹՅՈՒՆՆԵՐԸ

ՀՀ աշխատանքային օրենսգրքով նախատեսված բազմաթիվ դրույթների նկատմամբ Տեսչական մարմինը վերահսկողական լիազորություն չունի

ՀՀ առողջապահության նախարարության առողջապահական տեսչական մարմինը ձևավորվել է ՀՀ առողջապահության նախարարության աշխատակազմի առողջապահական պետական տեսչության լուծարման արդյունքում, որը վերակազմակերպվել էր ՀՀ առողջապահության նախարարության պետական հիգիենիկ և հակահամաճարակային տեսչության և ՀՀ

աշխատանքի և սոցիալական հարցերի նախարարության ՀՀ աշխատանքի պետական տեսչության միաձուլման հետևանքով:

Արդյունքում ՀՀ աշխատանքային օրենսգրքով նախատեսված բազմաթիվ դրույթների նկատմամբ Տեսչական մարմինը վերահսկողական լիազորություն չունի:

Տեսչության կողմից կատարվում են միայն աշխատողների առողջության պահպանման և անվտանգության ապահովման նորմերի կիրառման նկատմամբ օրենքով սահմանված դեպքերում և կարգով վերահսկողության իրականացում, նշված հարաբերությունները կարգավորող իրավական ակտերի պահանջների խախտման համար օրենքով սահմանված պատասխանատվության միջոցների կիրառումը, իրավական ակտերի դրույթների կիրառման վերաբերյալ բացատրական աշխատանքների իրականացումը, տնտեսավարող սուբյեկտներին իրենց իրավունքների և պարտականությունների մասին տեղեկացումը:

Այսպիսով, հաշվի առնելով վերոգրյալը, հաշվեքննող խումբը հաշվեքննող ժամանակաշրջանում՝ 2017թ. -ի հունվարի 1-ից 2018թ. -ի սեպտեմբերի 30-ը, արձանագրել է հետևյալ խեղաթյուրումներն ու անհամապատասխանությունները՝

1. ՀՀ աշխատանքի պետական տեսչության կողմից իրականացվելիք վերահսկողական գործառույթների մեծ մասը չեն ներառվել Տեսչական մարմնին վերապահված վերահսկողական գործառույթների մեջ: Օրինակ՝
 - Կազմակերպությունների մասնավորեցման և լուծարման ընթացքում աշխատողների իրավունքների և օրինական շահերի պաշտպանությանն ուղղված՝ Հայաստանի

Հանրապետության օրենսդրության պահանջների կատարման ընթացքի նկատմամբ վերահսկողության իրականացում.

- Կոլեկտիվ պայմանագրերով (համաձայնագրերով) նախատեսված պարտավորությունների չկատարման կամ ոչ պատշաճ կատարման հետևանքով խախտված իրավունքների վերականգնման համար անհրաժեշտ միջոցների ձեռնարկում.
- գործատուի կողմից չձևակերպված աշխատող պահվելու կամ աշխատավարձ չհաշվարկվելու և (կամ) չվճարվելու դեպքեր հայտնաբերելիս՝ կենսաթոշակային սոցիալական ապահովագրություն իրականացնող լիազոր մարմին դրանց մասին տեղեկացում.
- քաղաքացիների աշխատանքային իրավունքների խախտման մասին դիմումների և բողոքների քննարկում և այլն:

Առաջարկություններ

Հաշվեքննության ընթացքում արձանագրված անհամապատասխանությունների կամ խեղաթյուրումների վերաբերյալ հաշվեքննության օբյեկտի ղեկավարությանը և այլ շահագրգիռ կողմերին ներկայացվում են հետևյալ առաջարկությունները՝

ՀՀ Կառավարություն՝

1. ՀՀ աշխատանքի պետական տեսչության կողմից իրականացվելիք վերահսկողական գործառույթները ներառել Տեսչական մարմնին վերապահված վերահսկողական գործառույթների մեջ՝ Տեսչական մարմնի ենթաօրենսդրական իրավական ակտերում կատարելով համապատասխան փոփոխություններ:

Հաշվեքննության օբյեկտների ղեկավարների պաշտասխան

Տեսչական մարմին՝

Տեսչական մարմնի կողմից այս կետի վերաբերյալ առարկություններ չեն ներկայացվել:

ՀՀ առողջապահության նախարարություն՝

ՀՀ ԱՆ-ի կողմից այս կետի վերաբերյալ առարկություններ չեն ներկայացվել:

VII. ՏՆՏԵՍՎԱՐՈՂ ՍՈՒԲՅԵԿՏՆԵՐԻՆ ԻՐԱԶԵԿԵԼՈՒ ՊԱՐՏԱՎՈՐՈՒԹՅՈՒՆԸ

Տեսչական մարմնի կողմից խորհրդատվության և իրազեկման գործառույթն իրականացնելիս մի շարք դեպքերում խորհրդատվության և իրազեկման փոխարեն իրականացվել են փաստացի ստուգումներ

Կանոնադրության 11-րդ կետի 15-րդ ենթակետով Տեսչական մարմնի լիազորություններից է հանդիսանում տնտեսվարող սուբյեկտներին իրենց գործունեությանն առնչվող, իրենց իրավասությանը վերաբերող նոր իրավական ակտեր ընդունվելու կամ ուղեցույցներ հրապարակվելու, ինչպես նաև դրանցում փոփոխություններ կամ լրացումներ կատարվելու դեպքում իրազեկելու պարտավորություն:

«ՀՀ-ում ստուգումների կազմակերպման և անցկացման մասին» ՀՀ օրենքի 1-ին հոդվածի 2-րդ կետի դրույթների համաձայն ստուգումն օրենքի հիման վրա իրականացվող ընթացակարգ է, որով պարզվում է տնտեսավարող սուբյեկտի ներկայացրած հաշվետվությունների, հաշվարկների, ելակետային տվյալների, այլ փաստաթղթերի (այսուհետ՝ հաշվետվություն) արժանահավատությունը և վերջինիս ծավալած փաստացի գործունեության համապատասխանությունն օրենքների և այլ իրավական ակտերի պահանջներին: Ավելին, նույն օրենքի 3-րդ հոդվածի 1-ին մասի 1.1 կետի դրույթների համաձայն բոլոր ստուգումները, անցկացվում են բացառապես ստուգաթերթերի հիման վրա, որոնք հաստատում է ՀՀ կառավարությունը:

Սակայն Տեսչական մարմնի կողմից խորհրդարկության և իրազեկման գործառույթն իրականացնելիս մի շարք դեպքերում խորհրդարկության և իրազեկման փոխարեն իրականացվել են փաստացի ստուգումներ, որը չի համապատասխանում ոչ միայն «Տեսչական մարմինների մասին» այլև «ՀՀ-ում ստուգումների կազմակերպման և անցկացման մասին» ՀՀ օրենքների պահանջներին: Օրինակ՝ Տեսչական մարմնի ղեկավարի 13.03.2018թ.-ի 51-Ա հրամանով Երևան քաղաքի տարածքային կենտրոնի կողմից ք. Երևան Մաշտոցի 20 հասցեում գործող «Կանաչ դեղատուն» դեղատնային կրպակում խորհրդատվություն և իրազեկում իրականացնելիս կատարվել է այսպես ասած «հսկիչ» գնում՝ հայտնաբերելով և արձանագրելով խախտում, այն է՝ դեղատան աշխատակցից առանց դեղատոմսի պահանջվել և ստացվել են դեղեր, որոնց վաճառքի համար դեղատոմսի առկայությունը պարտադիր էր:

Այսպիսով, հաշվի առնելով վերոգրյալը, հաշվեքննող խումբը հաշվեքննող ժամանակաշրջանում՝ 2017թ.-ի հունվարի 1-ից 2018թ.-ի սեպտեմբերի 30-ը, արձանագրել է հետևյալ խեղաթյուրումներն ու անհամապատասխանությունները՝

1. Տեսչական մարմնի կողմից խորհրդատվության և իրազեկման գործառույթն իրականացնելու փոխարեն մի շարք դեպքերում կատարվել են փաստացի ստուգումներ, ընդ որում, առանց ստուգաթերթերի:

Առաջարկություններ

Հաշվեքննության ընթացքում արձանագրված անհամապատասխանությունների կամ խեղաթյուրումների վերաբերյալ հաշվեքննության օբյեկտի ղեկավարությանը և այլ շահագրգիռ կողմերին ներկայացվում են հետևյալ առաջարկությունները՝

Տեսչական մարմնին՝

1. Ստուգումներ իրականացնել միայն հաստատված ստուգաթերթերով:
2. Խորհրդատվության և իրազեկման գործառույթ իրականացնելու անվան տակ զերծ մնալ փաստացի ստուգումների և ստուգման գործառույթներ իրականացնելուց:

Հաշվեքննության օբյեկտների ղեկավարների պատասխան

Տեսչական մարմին՝